

死地亦十有三三三並而為九而性止一性性之數恒少何不敵愾數之多乎

夫何故人月相似以其生生之厚同天地之一氣

又曰是非無因也以庸眾愛生貪生之厚故耳過於生生之厚自必趨於死之途矣

蓋聞善攝生者無忿慾陸行不遇兕虎內省不疚入軍不避甲兵何憂何懼

兕無所投其角身非我有虎無所措其爪我亦忘我兵無所容其刃此心自若

夫何故本無生死以其無死地生死特一氣之聚散

又曰庸眾厚生而不免於死也如是若所聞善攝生者則不然善攝生者本無生者也故在陸而行則不遇兕虎焉其入

道藏輯要

道德經解

堯

心集一

軍陣則不避甲兵焉非不遇兕虎也兕角無所投之虎爪無所措之則有若不遇也亦非不避甲兵也兵無所投其刃則有若不避也伊何故哉以聖人本無死地也聖人何以無死地以其無生也不有生亦安有死乎是所謂不生不滅不瀟不焚不凋不殘之謂

養德章第五十一

道生之元皇祖炁德畜之化生諸天物形之在天成象勢成之在地成形是以萬物

一切有象莫不尊道而貴德皆從道生

妙法元君注曰道生天地何況萬物故凡自無而有者皆道生之也第道能生之不能畜之於是乎賴德德者道之所積

而流者也並生並育非德充周於其中固難言成若其性也
道生即常無以觀其妙德畜即常有以觀其微耳顧道雖生
之德雖畜之而必有所附而斯形假如天地間無物亦安所
知為道之生見為德之畜乎故形道之生形德之畜皆物也
有物則有勢凡剛柔之相取燥濕之異宜動靜之互根隱顯
之殊途相推相積而成者又勢為之也物形勢成此特其末
耳流耳由末以溯本從流以探源則總不離乎道與德也道
之尊何如乎德之貴何如乎尊則師保承之貴則王侯奉之
萬物共稟道德即莫不共知尊貴也

道之尊德之貴越古超今夫莫之爵而常自然生成道體受命於天

道藏輯要

道德經解

本

心集一

又曰道德尊貴若是是豈有大於道德而從而爵之者乎曰
非也此天爵也子輿氏所云之良貴也自然而生物亦自然
而畜物則亦自然而尊且貴夫安得從而爵之

故道生之德畜之

稟其精舍其氣

長之育之

遂其形字其材

成之熟之

權其成量其用

養之覆之

作其和護其傷

生而不有

內無其心

為而不恃

外無其形

長而不宰遠無

其是謂玄德道合

又曰道之自然若此則本自然以及物而或從而生之或從
而畜之或從而長之或從而育之以至於成且熟也養且覆
也似皆出於有心而道固無為也無為則無心而成化矣雖
生之而不自以為有也不有則不恃為一如其無為於以長

立萬物之上全不自謂有宰制之能如是者欲不謂之玄德能乎蓋德介有無之間雖形未形不可名無亦不可名有是德而玄者也德至矣

歸元章第五十二

天下有始道生以爲天下母一生

妙法元君注曰始卽無名天下之始無極也自無極而太極無不終無而有矣有非卽有名萬物之母乎惟母能生萬物然不有箇始母從何有故曰天下有始方以爲天下之母也

既得其母二生以知其子三生既知其子夫物芸芸復守其母各復歸其

根沒身不殆常存

道藏輯要

道德經解

卷

心集一
x08

又曰子者母之所生也天下未有無母之子道生萬物則得萬物之母矣得其母則凡充滿於宇宙者皆道生之子也以母知子何事推求第子母有相顧之義倘子曰逐於馳騁而全決定省溫清之道雖博得箇爵祿以榮親而母之精神念慮已隨其子消耗無幾勢不將淪於殆乎彼滯於有而不復反於無者何以異是故曰既得其子則必仍完守其母方不至殆厥終身也

塞其兌寡言閉其門收視終身不勤不勞開其兌內境濟其事

外境入終身不救永絕道根

又曰兌者悅也門卽理欲之門言母既當守如是則當從事